

DEO OPT. MAX. VNI ET TRINO, VIRGINI DEIPARÆ, ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XIII. IANVARII.

M. IOANNE FORESTIER Doctore Medico Moderatore.

An similia sympathia major à spiritibus ?

1113.

CVM omne quod constat & conditum est, boni honestique obtineat rationem (nihil enim temere vicēque fortuitā committitur) alicujus gratiā agere necesse est. Naturā siquidem numen inest rebus etiam minimis, & honestum pulchrumque ingenium: quarum contemplationem si abiecit, aut ignobilem putes, jam de te quoque debes idem arbitrari. Profani sunt qui nihil esse credunt nisi illud quod manibus palpare &prehendere possunt: at subtilissima quæque rerum aut fugiunt aut fallunt sensus. Est autem inditum rebus ipsis primum obeundæ functionis instrumentum, facultatis cujuslibet occultæ vehiculum, spiritus substantiā tenuissimus, leuissimus, in agendo celerissimus, in quo est natura proportionē respondens elemento stellarum.

CALIDVM illud aliud habet corpus & magis diuinum quouis elemento; propriamque formam, quæ post viuētis alicujus interitum, aliquandō sui juris esse potest. Non tamen aër, aut ignis est, neque vires ab elementorum dominante formā vel qualitatibus accipit: sed est in facultatibus hujus æthereæ substantiæ, quod nunquam fuit in potestate cujusunque elementi. Est veluti media natura, & aliqua ratione formæ principis, & materiæ particeps, atque glutinum. In sanguineis creditur benigna sanguinis euaporatio. Licet autem anima in omni corporis particula animalia, & plantæ: propter hoc in terra est humor, in humore spiritus, & calor animatus in vniuerso inest: ita ut quodam pacto omnia esse plena affirmares. Quamobrem consistunt celeriter, cum calor ille comprehensus, siue exceptus est, comprehenditur autem & humoribus corporis in calefcentibus.

QVAMVIS similia amica esse, & maximè vnionem appetere oporteat, simile namque à simili suo separatum videtur & illud defraudare, & ipsum ab illo defraudari essentiæ quasi complemento: hoc enim est eorum esse verum. Quæcunque verò ex densis orta sunt, densa sint, ex humidis humida, orianturque similiter omnia, & similiter occidunt, atque omnium natura talis sit, ut calidum ad calidum, frigidum ad frigidum, sic vnumquodque feratur ad proprium locum, ad id cum quo cognationem habet, & ex quo etiam ortum est: similia tamen cum similibus sit assensus major propter spiritum. Est enim principium effectuum fortissimum, in feminibus quoque: In Pharmacis verum virtutis cum electione cathartica, aut venenatæ qualitatis subiectum. In omnibus est instar solis: In viuētib; instar salis: In rebus inanimatis dum animæ vices gerit, similia pro viribus arctissimo vnionis vinculo nectit. Sic Magnes ferrum trahit, attractum retinet spiritu, & totius substantiæ similitudine.

IN prima conformatione hominis, in quo *ἐνταλφία πάλαι*: semine, & sanguine, spiritibus fecundo, utriusque parentis vires deferentibus, non modo ex simili simile secundum speciem, sed etiam secundum formam patri, vel matri plasmat: dumque spiritus similes cum iisdem humoribus in nutritionem transeunt, mores, affectus, vel similes morbi fiunt. Non ideo admiranda matrum major, quam patrum, erga suos alumnos amicitia. Est in sanguine id ipsum quod familiare singulis partibus alimentum, venosum carnosum, pulmonibus vaporosum, cordi crassum, crassiusque solidioribus membris distribuit; Idem etiam quo vitur ad embryonis generationem, ad fetus alimoniam assimilatur. At vero si nascentem adhuc respicias, non prius lucidum ejus sensorium à lumine, & coloribus, aëreum à sonis, ab odoribus vaporosum affici cernes; quam tales sympathias cum sensibili proprio, à spiritu omnia in actum mouente, fieri iudices.

VT eorum quæ feruntur, & crescunt, quando in terram veniunt, vnumquodque attrahit quod secundum naturam sibi est amicum, solis tamen accedentis tepore paulatim accrescente: eodem motu hominis post partum crescentis à calido, singulis partibus etiam innato, sit nutritio. Ut puer recens natis lac solum ex matris vberibus sufficit, si crescat illorum cum ætate robur, validioribus magisque spirituosius eget alimentis. Tantæque est corporis, cum animâ per spiritum sympathia, ut iuuenes corpore, & animo fortes simul fieri possint. Est autem in cibo quod solidas partes, in potu quod humidas, quidni in aëre quod spirituosas reparat? An igitur Manucodiata solo aëre viuere potest? Ideoque spiritus cum simili, ut amans curam amata re, vnum esse, quoad licet appetit. Atque ut hærent, & conferunt corpora, & spiritus duos osculorum conjunctione, Basso Amoris fundamentum vnus ut sit faciunt: eadem fermè conspiratione spirituum ex alimentis cum naturalibus in hepate, naturalium cum vitalibus in corde, horum verò cum animalibus in cerebro; propter humorum cum humoribus confluxionem, partiumque cum partibus consensum, per venas, arterias, & neruos, generis similitudine, operis societate, & fauente vicinâ sit sympathia; Quæ naturæ continuatio, conuenientia, & communis affectio est, duabus, aut pluribus rebus, vel similibus, vel vudecunque apparentibus.

Ergo similia sympathia major à spiritibus.

DOMINI DOCTORES DISPVATVRI.

M. Antonius Morand.

M. Simon Boulor.

M. Franciscus Boujonmier.

M. Ioannes Hamon.

M. Claudius Tardy.

M. Claudius Lienard.

M. Ioannes Mawrin.

M. Ioannes Forestier, Præses.

M. Petrus de Beaumains.



Proponebat Lutetiæ IOANNES BAPTISTA FERRAND Parisinus, A. R. SH. M. DC. LXI